



金石文叢稿本

備後安藝
長門

三十九

特別
子10
4622
39



410
4622
39



筑紫紀行卷二 分

鞆浦芭蕉翁碑文

うゝうゝあゆし湖のまほきうゝうゝあゆし



銘曰

蕉翁為人滑稽絶倫、危言温故、鼓吹知新、千里負擔、
諸州師賓、同志繼緒、花月此裏、

安永六年酉春三月

備後

與世山親雲上墓銘

琉尚氏與世山親雲上法為岸曹源禪定門之墓

與世山親雲上、姓尚、名道亨、是琉球國中山王使者
宣野灣王子赴江戶之時、為樂師隨行、至備轄下鞆
港而病故、時寬政二年庚戌十月十三日也、習疑葬
于小松寺宅、琉球國同僚泣血拜志、

一語一言曰、卷九、第寬政二年庚戌冬十一月念
日、琉球國中山王聘使從薩侯入都、其官職姓名、

記以傳於好事人

正使ヨリ樂童子迄之名書

慶賀

正使

副使

贊議官

樂心

儀衛心

掌翰史

圍師

紫中大夫

宜野灣王子

幸地親方

田里親雲上

識名親雲上

兼本親雲上

大灣親雲上

真喜屋親方

正使使贊

樂師

同

副使使贊

樂師

同

同

同

樂童子

九月
十月
十一月
十三日
卒

座喜味親雲上

波平親雲上

伊渡山親雲上

和字慶親雲上

新川親雲上

上原親雲上

玉城親雲上

伊江親雲上

與世山親雲上

小波津里之子

同同同同同

是ヨリ以下從者ノ名七十二人ヲ載タリ

今姑省ク

琉球國九品位

王子正一品

按子從一品

渡慶次里之子

國頭里之子

上間里之子

伊舍堂里之子

伊是名里主

一疑二誤

天曹司

地曹司

人曹司

親方從二品

親雲上武官也

里之子

筑登之

親方ト稱ス正一品

士ノ位自三品

從者ノ位八品

下士ノ位九品

士ノ位自五品至七品

外

仁屋

山原

黃葉夕陽村舍文卷二 七步

小野壽軒翁基誌銘

菅茶山

先生姓小野。名世秀。字壽軒。號龍園。備後品治郡人。
遠祖稱四方介者。當戰國時。將衆歸毛利氏。慶長中。
退隱備後。福田村。曾祖父淨閑。始業醫。徙服部村。祖
父隨閑。考曰宗德。娶下江氏。生先生。先生幼而穎悟。
成童學醫於香川太沖。從游二年。還。自謂技未能過
人。日夜勵精。遂再遊京師。更適越前。與東洋奧村諸
名醫往來。諮詢以研究宿疑。既還。住福山。名動隣邦。
遠近士庶無病不請。貧氓流丐。無請不應。至中夜三
四奔走。下宮大夫在大坂患疫。諸藥不效。走舸請先

明治九年七月廿六日寫

生。至則數醫參定方。作陰證治。時正盛夏。重繭環屏。先生一診論其誤。乃開軒窗取涼。連用瀉火藥。數日得起。大夫神之。薦仕于藩。與其子世美各賜廩俸。先生為人剛毅而和緩。節儉而恩惠。歲時謝金。舉附家人。未嘗啓視。曰身非聖賢。恐有以多少生厚薄。此可以槩其平生。娶楠崎氏。無子。先卒。繼室藤野氏。生二男三女。男世美。字之贊。亦善醫。長女歸古部氏。次佐藤氏。一男一女。大更養茂。遠字士道。為嗣。先生業醫四十餘年。累收奇功。一婦媿難數。日衆醫技窮。先生用瓜蒂一吐即生。一兒丹毒至。斃。數醫坐守先

生後至。刺數處出血。皆獲全安。斯類極夥。初有人勸徙江戸。以其人適死。又親朋固止不果。嗟乎先生之業。其精如彼。其行如此。若移諸大處。其所遇豈止于此乎。以寬政丙辰二月五日沒。年七十八。葬城東洞林寺中。沒之前數月。輿疾造余。托以墓銘。余善病。每委先生。誼不可辭焉。銘曰。

多活人兮。慶其延子孫兮。

鈴木元衡墓誌銘

菅茶山

君姓鈴木諱元衡字子參號柗川稱文平備後莊原人考諱孝直妣落合氏君其第二子也年十五出嗣片岡氏仍為里正年餘辭歸時家貲耗弊冗口太繁乃闕酒肆君親當壚經營勤苦夙夜匪解暇則讀書二十六出贅于近藤氏既而挈妻子歸家復為里正尋為鄉保能聲頗著享和元年辛酉十一月十六日疾没于家年四十六越十八日葬石塚山先塋之次配近藤氏四男一女皆幼君為人沉靜謹確孝友勤儉專心篤學傍能詩文及和歌繪事居恆世務蠲紛

而有雅客。輟業欣接終日。達且恂恂。曾無倦色。是以
戶外屨常滿云。君與管晉帥善。其家因請為銘。銘曰。
不學不韻。籍口世故。終日營營。如彼蚊聚。
之子鞅掌。能樂墳素。學画學詩。不廢家務。
苟能有志。誰無餘力。人能如此。何害其職。
世有其人。微諸斯刻。

黃葉夕陽村舍文卷三 六

中山大夫墓誌銘

管茶山

福山藩世臣中山七郎右衛門君姓丹治名光繁字
子纓號南街中山其氏父芥右衛門君諱光至無子
有妹適江坂宗左衛門諱康陳南街君即其第三男
而為芥右衛門君之嗣也為人長身清癯美容止性
溫而今出言不苟累任要職多所建白享和壬戌十
月擢列執政增祿百石文化丙寅二月致仕庚午秋
七月晦病卒于家年六十二葬福山光政寺先塋之
次常謂人曰士要貴已苟已之無闕遇與不遇非我
所問此安心之方也今之仕者但僥倖入時詭隨曲

及從適為自苦。假得所欲。獨不愧於心乎。君之趨舍。大抵符其語。餘事可知焉。好學該博。能詩又書。既退不復問世事。蔣花疏水。怡澹自娛。著有詩文若干卷。弄在家度。書論一卷。刻頌親朋之間。配井上氏。無子。養姪江坂氏子名甫。先為嗣。今為衛騎長。銘曰。行顧其言。始能成人。吾僅見有君矣。

黃葉夕陽村舍文卷二 九才

福井鎮翠墓誌銘

菅茶山

君諱直光。字汝實。號鎮翠。稱常右衛門。成童為福山。吉津坊福井氏嗣。年二十三。為本坊長。福山井鹹不食。引水蘆川。陰溝分派。其屬吉津者。湮塞不通。數十年矣。君王議疏之。費用若干。郭門橋北有閑地若干畝。蕪穢狼籍。君請營屋舍。年收房租。畜之。舟運雜穀之稅。歲賜吉津坊長。而中止數十年矣。君請復舊。亦畜之。二畜以供疏水之費。且備錢歲。闔坊稱便。藩有募富戶創義倉者。君納二百五十金。又有應粹金。金。君與管其事。累蒙賞賜。君孝友好施。與兄直

純戮力恤窮。率使其人不知焉。今時驕吝成俗。君兄弟所為。人多譏訕。久而以孚。

公之行部也。特召至。駕前。賜酒盃一。褒其惠也。君本姓大戶。備後府中村人。考諱盈清。妣後藤氏。有子十一人。君於次為第七。寶曆三年癸酉正月十一日生。文化丙寅四月五日沒。享年五十四。葬于福山光善寺中先塋之側。配福井氏。先沒。有二子。皆夭。次配山岡氏。一男一女。男名保之助。女夭。今配水川氏。有一女。幼。銘曰。

口也惠。

心也慳。

乞人財。

市我恩。

世多然。

有愧君。

黃葉夕陽村舍文 十一才

三谷尚玄墓誌

菅茶山

三谷其姓尚玄其稱名巽字子功讚州金倉人來學
于余塾于備後神邊驛業成將歸適病而沒文化已
已正月九日也權葬驛東南網付谷年二十三為人
方面長身沈敏有才苦學篤行傍能醫及詩翹翹為
諸生之秀矣抱才而夫自古不少斯人之為善亦不
能免邪噫

山陽遺稿卷四 七才

渡橋翁墓碣銘

賴山陽

方今列藩皆有銀鈔如山陽一道。數鈔錯行。我藝鈔流通最廣。然行之既久。不無壅滯。及其交換。有司不時給銀。是以富商相顧。亦不肖置鈔。鈔日賤。銀日貴。尾路為藝大港。船沽貿易。皆資於銀。而銀不足以運物。文政甲申。港長老聚議。有渡橋翁。決策請貸公庫銀。自保以某月返納。乃榜於牙場。大收鈔給銀。銀出厓十五萬兩。而鈔價即昂起。私藏銀者四萃。商旅閔通。公私共濟。盡如翁所策。褒賜銀。蓋特典云。翁有心計善斷。其所籌畫。人或危疑。及見效。皆服多此類也。翁諱忠良。通稱貞兵衛。其先藝鬼郡人。曰彌三。

危

郎者。據宮原岩。因氏焉。屬小早川氏。有戰功。後隱為民。世
代不詳。至考傳兵衛幼孤。流寓尾路。冒母氏渡橋。貧甚。翁
自童年為人僕役。纔得生存。既長。主管一行鋪。鋪三易主。
翁拮据廿餘年。未嘗大誼於各家。主多其勞。舉鋪業歸焉。
乙酉歲七月十四日病沒。年五十六。葬于邑千光寺。配細
谷氏。亦賢。助翁成家。有八男二女。長子茂。兵衛嗣。次榮助。
為倉田氏所養。一女適川北氏。餘在家。翁為人恂恂。然而
其中精明沈毅。況容衆。好為人救難賑困。而口未嘗言。故
雖狡猾難使者。常效用焉。而不能欺也。臨終戒嗣子曰。吾
所為。在我可耳。汝勿倣焉。抑財不可常守。欲守者。非愚則

陋也。吾特欲有積尺寸。効涓塵於國。而百不償一。汝尚體
此志。嗣子謂諸弟父所受。因請之處分。翁曰。是在汝。及葬
會送者千餘人。其為衆所畏愛如此。邑橋本元吉嘗謂余
翁如蛟龍居池。不得大展其才。是或然也。翁使其第三子
謙藏就余學。以狀來請銘。銘曰。
訥而辨。萬口皆瘖。積而散。厥量海涵。市厥門。水厥心。其謂
若人歟。有書填於胸。無毫補於父母邦。吾其無怙。愧乎翁
哉。

鐘銘并序

管茶山

福山更樓之鐘。水荃氏所懸。我先公移封於此。仍用之八十餘年。聲音漸啞。寬政丁巳。命以改鑄。使臣山室恭銘焉。今復因毀改鑄。文政八年乙酉十月也。高若干尺。口徑若干尺。鈕乳舞篆皆具。重若干斤。比舊製較大云。命臣管晉帥更銘。銘曰。

鐘鑄之造。爰先虞夏。其用寔廣。于朝于野。寅入酉退。遲速維戒。晨耕夜織。勤惰維誨。救災納保。塞決興徒。鄉遂百里。蠶聚須臾。九乳久勞。兩馬深軌。舍舊謀新。

飭
塗。饗。爰。祀。呂。律。維。調。君。道。以。得。物。有。相。感。疇。不。謹。飭。
道。無。餓。人。政。刑。四。國。願。
公。壽。考。德。音。靡。息。

黃兼夕陽村舍文卷三

河相清兵衛墓誌銘

菅茶山

君名包義。稱清兵衛。備後浦上村坂本治久。稱安平
季子。年二十三。贅深津郡大里正千田村河相好色
稱小左衛門女。因冒其姓。分產別居。安永癸巳。命
為宇山村里正。天明戊申。為深津郡鄉保。賜俸三
口。寬政庚戌。為大里正。管深津品治二郡。四月。賜
佩雙刀。增俸二口。丁巳。又增二口。都七口。享和癸亥。
賜世佩雙刀。以准藩臣。文化中。賜章服二次。
特
庚午時。命總管管內六郡。又命同築鞆津石堤。
浚福山港口及蘆田川。文化八年辛巳十一月二日。

病沒葬小池東山足年六十三配河相氏先亡男三人長名包皓稱多喜次嗣家襲為深津郡大里正次名好熙稱保平出為木家嗣子名好祖稱周兵衛後次雄吉大女二人長名直適坂本氏次名淺適三輪氏皆先沒銘曰

勤謹和緩居職之方
維君兼之任路無梗
解人之紛如手執熱
酒以遣憂茶以洗心
誦斯銘辭可當吏箴
柔默謙虛保身之量
恤人之窮如身抱疾
維君克之聞譽弗失
寬懷有客貧夫是慚

客

巖島園畫卷四北一

巖島神社鐘銘

伊都岐嶋拵山水精寺

奉施入

治承元年丁酉二月日

建立 聖人 永意
施主 右大将平宗盛

安藝

巖島神社回廊釣燈籠銘

巖島大明神宮燈籠一口筑前國博多言已等二

放疑故

世心中所願決定圓滿放也左近太郎向々然阿

樂阿淨慶道聖祐祥汲弥三五郎弥二郎四郎瓦

郎四郎太孫七左近三郎教詮了玄敬白

正平廿一年丙午三月三日講衆等謹言

莫陰畧集卷上

賴亭翁妻道工氏墓碑誌

中井竹山名積善

道工氏諱中、藝國加茂郡竹原邑人、助右衛門
景房之女、邑人賴亭翁惟清之妻、本藩今博士、
千秋惟寬之母也、年十有九、柔日以下、為人柔
貞、通敏、事舅奉夫、居諸尊卑、間咸得順適、教子
之方、處事之斷、蓋丈夫不逮者存焉、善書、精女
紅、儉素自守、內治有儀法、鄉里以為模楷、寶曆
十二年壬午、後四月十七日病歿、年三十有八、
塋在邑中照蓮精舍之丘、子男五人、長為千秋、

次惟疆十齡、次惟柔十祺、其二夭、十秋既以儒
學登庸、為一藩矜式、二弟又皆以文行著稱、則
妣氏蚤世、皆不及見也、悲夫、歷二十餘年、亭翁
卒而同藏、翁之誌銘有所托、既就刻、而千秋窆
惜先妣之壙久未誌也、會瘞銘之期已近、乃馳
書于予曰、吾子之交厚而文、可得副急以償宿
志乎、予諾之、按狀拂磚、一揮以系之、曰、
遵四教、育三良、昭閭範、寘幽堂、

瘞

文疑久

靜寄軒集卷八

賴亭翁墓誌銘

尾藤二洲名孝肇

初余與賴氏三子交也、時、獲從三子而聞其太公亨翁
之賢、而心私嚮焉、後翁東遊、再四謁之、殆有過于所聞焉
者、翁諱惟清、號亨翁、稱又十郎、其先仕小早川氏、曾祖
諱正茂、自備後三原、遷安藝、竹原家焉、始為竹原人、祖諱
道喜、考諱良皓、號善祐、善祐君有三男、四女、翁其長也、享
年七十七歲、天明三年癸卯二月朔、以壽而終、葬于本邑
照連寺內、謹按行實、翁自幼孝友、克家養志、承觀以至喪
祭及細事、凡人之所難、翁自優為之、素行嚴正、廉介、其接
人和而有節、不從物而轉移、勤儉自持、事務不厭繁、衣食

缺

不厭麤又能為人解紛糾振窮急平素無他嗜好唯喜賦
和歌常以讀古歌集為娛其愛山水也亦有吾妻高田等
野等紀行之文配道工氏先翁二十二年卒三子長惟完
學行高于一世本府特召為教授次惟疆次惟柔皆哀然
為學者望鳴乎芝蘭聯芳一時莫之與京雖曰三子之才
之美抑亦庭訓之力也則翁之賢敦敢不歆仰乎孝肇無
似固不可以銘賢者但以辱交三子之久且最熟也遂不
可得而辭不然三才交道之廣道德文章豈無其人銘曰
子 雍熙之軌施及隣里何以獲之身其基之非彫自庸非磨
自圓吾考其祥元吉其旋貽之孫子流風永延

明治十六年正月一日校

傳正公新廟水盤燈籠銘 賴春水名惟完

無水無大從吾 烈祖創造戮力備嘗艱苦慶長辛
亥曾棄群臣文化庚午方二百春維其小大子孫繩
繩同受福祿不翅雲仍豈曰為報胥謀命工湛湛水
盤晃晃燈籠並奉以獻奕奕之傍之水之燈永照無
疆

廣邑新墾碑

賴山陽

襍

藝之東。山勢鬱環。與海相出入。農蠶樵居。稻魚之利。生齒
 之繁。甲於諸郡。而廣邑居一焉。邑之水注海。海口沙淤。積
 成廣斥。因而隄之。以為田。鹹鹵沮洳。漸化膏腴者。數處。其
 最新成曰彌生新田。成於邑里正多賀谷。翁宗親。多賀谷
 氏。姓平。本貫蒲刈。嶋支派。來家本邑者二。翁為其一。三世
 相承。及翁富。最於宗族。翁嘗助其父。闢田三區。今役最大。
 躬工於文化。辛未二月之季。告竣於其三月。有閏焉。為日
 總五十九日。役夫。每一日。率二千。為夫總十二萬人。既成。
 籍其阡陌疆場之畧。上於藩府。得田三十九町。有奇。分

山陽文錄一四

新甫墓碣代

賴山陽

賴元鼎字新甫，稱樵二郎，藝藩教授。賴惟完之嫡嗣也。惟完長子，衰有疾，不得承宗祧。養弟惟彊之子為嗣。是為元鼎。元鼎，惟完如親生。父母視衰如同胞。稍長，為府學訓導。惟完有長孫，曰協。元鼎常欲，俟其長，讓之。及病篤，眷眷言此。沒，年僅二十又六而已。實文化乙亥正月廿八日，葬于府城東南安養院。其四月，藩命以協為嗣。蓋特典也。嗚呼！元鼎至性如此，加之聰敏夙成，研窮經藝，頗有造詣。苟為詞章，往往超

越儕輩使其存在亦足以負荷家業而涓埃國息耳
而溘先朝露惟完老且病矣將何以為情哉遂記其
平生于石以識我悲云

精里三集文豪卷五十五

千秋賴君墓碣銘

古賀精里

君諱惟完字伯栗一字千秋姓賴氏通稱彌太郎其
先備後三原人至高祖道圓君始徙莒州竹原曾祖
以下為農考亨翁君要道工氏以延享丙寅六月晦
日生君君夙慧能作韻語年十九有疾尋醫至大阪
遂以考命畱求師友寓江戸港投徒為生及有混沌
社君齡最少而與敦槃之盟是時得洛閩書而悅之
會尾藤二洲在阪相得而講究天明辛丑冬藩辟為
儒員時初府學君定學制焉癸卯秋赴江戸伴讀世
子嘗因見餅插麥莖進言穀民之天不可供玩其納

莖

役
約類此。嘗上書言輔導之要。公覽書。方夜召君。世子與傳皆在焉。公呼君前曰。所陳可謂盡善。嗣後宜以此從事。世子已冠。學益進。博覽群書。而其業一依君指導。伴讀凡十一年。藩制東後。歲受代。君拔例多在東。公老。世子襲封。然後東覲。往來必扈。至甲子冬。告疾乃已。藩邸之初。學舍自君發之。其規制如府學。至是作學統辯。其畧曰。或謂聖學之大。不可局一學。譬若武事。弓馬劍槍。數家竝行。何為不可。曰。武事固數家。及整旅行師。其帥一而已。然後弓馬劍槍。可各奏功。苟有數將帥。一金一鼓。一前一卻。則一敗塗地耳。

兼
豈能行師哉。若夫理民理兵。水利算數。詞章訓詁。各有所長。是弓馬劍槍也。程朱之學。本於人倫。本末兼該。傳之無弊。而為學之統。是將帥也。安得此而同之耶。此吾公之所以崇程朱而斥異學。誠使教者體之。學者奉之。則一道德。同風俗者。將於是乎在焉。蓋後此莫敢議更制云。初仕俸三十口。案增至三百石。初班近臣。案進至此。徒軍將領。素以方正見憚。有一弄臣常戲調諸臣。公曰。逢賴某亦能如此耶。宴見則呼以先生。弗名。自癸酉冬得疾。中使屢存問。遂不起。年七十一。實文化丙子二月十九日也。葬于城東南安。

養院。君性格峻整。雖妻子未嘗見其有情容。而恩義自能結於人。若藩邸教下小臣藤田雄佐。年七十五。聞君疾困。請急走二十里來侍湯藥。助襲歛。是也。君最重器祭。及疾篤。先考忌日。猶易服端坐以竟祭。君有二弟。長惟強。字十齡。次惟柔。字十祺。十祺後君登仕五年。亦擢為儒員。十齡隱於醫。考志也。兄弟自相為師友。親愛篤至。當栗山二洲諸博士彙征。唱業於上游。而君與竹山拙齋諸子。聲氣相應。世人稍知向正學。庚申秋。在東奉大府之命。說書昌平學。及還賜物。壬戌東役亦如之。君詩文典質雅馴。晚益嗜之。

良辰美景。命酒鬪韻。或杖策出游。必有篇詠。其書弱冠學陶齋。既而益工自立一家。余嘗答韓客問我邦人書法。稱君為當今第一。自信非過許也。君別號在段日春水。在江戶曰霞崖。其自警者曰拙巢。曰和亭。著有師友志。在津紀事。負劍錄。其他數種。所輯亦數種。皆藏于家。配飯岡氏。生三男一女。長男襄以疾廢。二男亦大。養十齡之子元昂為子。亦先沒有遺腹子。猶孩。襄之子元協。以嫡孫承祖。女適藩士進藤。考助君沒之明年。其子弟合辭寄狀來乞銘墓。君之交游賢豪滿天下。此非不文。若余者所敢任。然余昔聽熒

襄

拙堂文集卷五 三子

亡友阪井公實墓銘

齋藤拙堂

公實諱華通稱百太郎阪井氏別號臥虎山人安藝人祖
諱貞考諱積並為學職公實幼而雋異在黌讀書督學賴
春水見而奇之期以國士年甫十三應試講經於黌舍公
子以下在座公實從容上席辨晰明暢議論迅發旁若無
人一座盡驚稍長才學俱進亦不敢自足刻苦研業家貧
躬服薪春之勞以奉其親且春且讀嘗謂人曰吾誦離騷
一遍米乃白矣夜讀達旦倦則據梧坐睡未嘗就衾褥比
壯歲學已成賴子成自京師歸省與之論文歎稱以為文
中之傑及子成沒關西文柄遂歸於公實文政八年擢為

睡

艱 學館教授父子同職別賜五口糧天保五年丁父歎居喪
盡哀既免襲食先祿八年分教東郡時丹後野田子明先
在都余亦後而至三人相得甚悅叙齒論文酒徵遂殆
逐 無虛月侗菴惺堂一齋諸先又時來會焉可謂盛矣既歸
藩名聲益熾從遊之士益衆塾舍常滿人士東西行過府
下者必踵門通謁焉於是寵命累降加秩進班每侍於經
筵嘉永三年夏倣獲疾况綿連月遂以九月六日溘焉逝
享年五十有三與子成同壽亦可異矣葬於府城南本照
寺先塋之次門人私謚曰文成先生配須磨氏上野氏皆
不諧終不娶二男一女男皆夫養田宮氏之子毅為嗣以

配其女公實之學原本於洛閩博而不雜善講說參之於
古今治亂興敗切近日用而其才尤長於作文又兼能武
技並有所悟入以為武本壯當造之以柔學之不徐不疾
而可臻妙文本弱當振之以強非憤激勇往眼揭日月精
透金鐵則無以致功矣其說如此故下筆雲湧波起縱橫
馳騁如其意所出侗菴博士激賞之以為公實議論又當
今無比非虛言也所著有杞國策一卷論語講義及詩文
集若干卷為人忠厚憂國之情深篤倫理誘進後生甚懇
具 善行甚多門人本原籍之所作行狀其焉不能殫述嗚呼
侗菴惺堂下世已久今也子明羸病退棲其鄉而公實死

矣。子明後余二歲，公實後一歲，猶且如是。余之衰老亦可
知矣。及聞其訃，不勝今昔之感，爲之潜然出涕。周防僧月
性，公實之祕演，惟儼也。與諸門人經紀後事，又爲千里寄
書，索銘於余。余謏劣，不敢當六一之任。然交遊零落，公實
誌銘之文，將誰託焉？乃強爲之詞曰：

藝山之陽，累生才子。子成公實，前後擅美。何豐於才，而畱
於齒。子成之壽，僅如彼；公實之齡，亦止此。死同年，壽生同
鄉里，是將偶然耶？抑亦有以耶？烏虜子成之骨已朽，公實
之身又死。後進之士，將誰仰止？其文雄奇，其氣英偉，光炫
人目，名震人耳。烏虜子成之骨朽，而名則不朽；公實之身

死，而心則不死。修短之命，非所論焉；仰慕之心，其或慰矣。

改定新報明治十八年八月十日
新道紀功碑

安く行く道をはりしと濱の真砂の益ぬいさや
改定新報明治十八年八月十日刷曰く阿品と
山陽道御巡幸之記 廣島に至
凡四里間を道路平坦舟と風景絶佳井口
村廿日市間の新道を特に見夏る路傍の紀功
碑は千家大教正の歌は、安く云々の一首
と彫り付たり云々

日本國長門州鳳凰山安國東隆寺開山南嶺

和尚道行碑

浙江杭州府僧綱司都綱天竺靈山住持比

丘雲屋妙衍謨

浙江杭州前衛昭信校尉管軍百戶葵原吳

東升書并篆額

日本居大海東俗習多取法於中國其崇敬佛教尤
為隆篤故其初寺置額亦以五山十刹而甲乙之禪
林像軌並依百丈清規若鳳山南嶺禪師一門數世
雄據大方化聲交振而四海雷奔盛矣哉其法孫元

長門

文

久航海來朝覲謂曰吾祖曾欲遊中國而不遂志載
化已來幾百年未記道行若待今日願丐文刻于碑
予讀其狀曰師諱子越號南嶺洛陽茂族藤氏子
魯誥通析大
義尋拜佛燈國師燈舉第一義而勘之隨問隨答當
仁不讓既而司侍職於東山首衆於巨福三浦分延
請問法一日謂介曰吾有南遊志豈飽繫此哉促裝
行介曰不止偕弟日東海振策西邁路經長州太守
厚東崇西夢肉身大士入境黎明躬往視與夢符契
即迎館於上舍將別西公曰吾立梵刹奉師使封內

道

材
人民均沾法雨師不得已應其請而東海入中國代
贄書寄江西信庵主天日本禪師二師展視曰扶桑
有斯人乎東海曰各附僧伽黎以表信其衣現在太
守姓物部氏守屋大臣冑胤崇敬佛乘有給孤長者
之風將闢寺基之夕復夢鳳凰遷巢於某山往觀峯
環水繞松檜森聳及鳩工購財始作淨名室次蓋居
佛殿名其山曰鳳凰寺曰東隆應夢也然後門廊庑
漏庫庖廩不畢具并輸稅以充衆食於是向師風者
川奔雲湧曉月窓光寂室遠來助化緇素問道者無
虛日故天龍國師遇闕西僧必問曰曾禮長門長老

來否。若豪家富族，捨第建寺，延師開山，今為附庸者二十餘院也。揚州福嚴國師道場，與議請師繼踵，期滿歸山，諸方大刹迎迓不起矣。故建仁嵩中山寄偈曰：三十餘年方得信，審知五十五春爍。用千光室遲君久，須急來扶老比丘。觀應三年詔位，列諸山賜安國禪寺。割山井一鄉，永充常住莊園。師又擇寺正北爽塏地，作壽藏之塔，扁續燈庵。師退居一夕，將三鼓，忽有女子乞受歸戒，為授畢，侍者覘之，沒入前溪大池。先是火于浴室，鐘鼓齊鳴，道信來拯，師宴坐自若。月窓來叫曰：火及方丈，胡不出去。師執其手笑曰：

震

老僧江湖興，發紫陽聖福缺主席詔師。師辭老，勅太守回逼起之。延文四年八月入寺，鯨音再發，鼙鼓重喧。衆歎希有，謝夏回舊隱，影不出山矣。貞治二年九月十一日，聚徒遺誡書偈曰：七十九年心月孤圓，未時無口一句了然。擲筆而化，壽若干，臘若干。塔曰常照，其徒弟元初就聖福建塔，亦曰續燈。出世弟子曰潮，曰信，曰炯，曰幢，曰禮，曰伊，餘目視雲霄者尚多矣。師十八時佛前立誓，過午不食，脇不沾席。三會語錄，門人纂集之。大相公謂禮履仲曰：不幸失瞻，汝師願拜遺像，遣使之安國迎取。至則齋沐，燃香設拜，召畫

二圖寫二像，僧錄大岳師述讚，一留第供養，一賜履仲以為法門之榮，寺經回祿，續燈蕪然獨存，若有神護，師之四十年紹隆祖道，荐膺殊擢，據大道場，聲實昭灼，龍象奔趨，而化緣有限，良可喟也。然其去住自由，光明烜赫，道路具瞻，斯足矣。彰其法身之常住，而表其功行之純懿，垂休千古，厥有斯在。語言文字何足以輕重哉。然而先世行業，子孫顯揚，禮也。遂不辭而述，以辭曰：

扶桑之域，居大海東，習俗取法，與中華同一崇教。佛僧尤為隆盛，金刹巍峨，寶輪暉映。二禪林規矩，

丕

百文是宗，五山十刹，大振玄風。三篤生碩師，踰曰南嶺，魯誥竺墳，窮探要領。四勝幢屢建，宗旨弘敷。化風遐暢，師道蔚昌。五主鳳凰山，應檀那夢，緇白象龍川，奔雲湧。六門徒弟子，得法尤多，附庸諸刹。棋布星羅。七化權輝赫，時緣際會，一皆南嶺如幻。三昧八塔，日常照庵，日續燈，永鎮海邦。金剛眼睛，九我辭非實，惟默斯契。一月午江，太虛無際。十

大明景泰五年歲在甲戌夏四月朔旦

先哲像傳四十四

周南先生碑文

服部南郭

于周南先生諱孝孺字次公一字少助山縣氏生子周南
海北邑因號周南考良齋君諱長白嘗以邑人事長門
公族海北君初長門先侯青雲公為海北君嗣子良齋
君以師儒侍焉及公繼封長門侯從升公朝移入荻府
時以碩儒在公左右如初有三男長文興君早卒先生
以次子繼考業天性穎悟年甫龀受句讀輒誦如流稍
長通四子五經大義良齋君課子弟學頗嚴常戒讀書
樓上無故不得下先生強力專精日夜在樓手不釋卷
於是四部群籍百家雜說涉覽之功殆遍年十九東遊

師事物夫子。夫子以修古為本，經義文章皆由是出。時方始唱和者，蓋寡。獨有滕東壁從焉。先生至，則大說其學。與東壁相視切劘。夫子亦自稱得其人。爾後物家之學日興，從者益盛。遂至海內靡然。鄉風吾黨至今以二子羽翼傳為稱首。居東三年，業成而歸。正德三年，韓使來聘，朝命其所經群國例當饗賓。使舟至長門，封疆亦焉。閱館焉。侯乃遣諸文學待接先生。與焉。先生年尚少，而與韓諸書記應酬敏捷，文才雋逸。韓人大賞異之。對州兩伯陽亦擯賓坐次，交歡。先生日以海西無雙韓三使睹先生所作，至因伯陽格外請見先生，詳見問槎。

哀 祖

時賞及先生集中，於是聲名籍籍。著聞海內。是後侍侯及東侍世子讀，侯朝覲則從東，就國則從西。侯不欲先生離其側，享保十三年。良齋君卒，先生居喪極哀。是歲亦當從東時，喪期既闋，然至哀之情不能已。乞假願竟志一年不許。強起從焉。歷仕泰植公觀光公間。年西東蓋多歲矣。寵待益隆。先是先侯命創建類宮，使國人子弟游處。設師導廩，諸生釋菜養老之禮。以時大聚群書，且六藝武技諸當教習者，悉備其中。事皆稽古據式。雜以今制。乃既巍然中國而成。名曰朋倫館。先生先已為侯獎頌其事，與議其制。於是崇化厲賢之道大行矣。元

文二年館祭酒倉尚齋卒先生代督館事乃不復東既
為祭酒益立學規訓厲有方育英之效日月益進講誦
習學弦歌之音不斷若山子濯田望之津士雅倉彥平
縣子夢田子恭仲子路曾子泉林義鄉龍彌八縣曾彥
秦貞文彬輩出咸潤色先生之業以學顯於世其餘
士大夫不必專學職而傑然成才知名者不可勝計長
門好學之俗雖其天性蓋先生教化之力亦多云先生
為人愷悌易事其教喻也道而不牽閑而弗違循々誘
掖使其自己以故生徒樂群親師遂致濟々之盛先生
博聞之餘歷練時事其執經陪侯講筵或侍間燕啓沃

諷諭陰盡匡濟之益或與大夫有司出謀發慮忠告裨
益臨斷大義則掇獨見之明侃々不可奪焉人盡敬服
以喬所視其數東也同社之交固弘矣先生溫厚不以
所長加人毫無忌克遊驩之際恢宏賞會言談怡々如
也皆無不推崇其為長者者先生嘗奉侯命選公室譜
牒諸臣系譜他所著行于世者有文集為學初問作文
初問若干卷延享二年得病經歲不已凡在禱八年自
國相憂之者百方求治不驗以寶曆二年八月十二日
終年六十六舉國莫不悼惜焉葬國城北古菽里保福
寺初配松村氏生泰恒元恒卒再娶長嶺氏生允升卒

又娶小野氏生子、小野氏卒、最後娶綿貫氏、生政恒、忠恒、長泰、恒字伯恒、嗣餘皆出、繼他族、既而伯恒具其狀、遠寄余、託以銘墓事、長門固富學士太夫、余不可、敢奪其權、且、菴夫廢業不能文、奚足為重、然既命矣、顧久辱兄弟之誼、親好匪他、今不可辭、乃承其狀、略叙始末、敢係以銘辭、其辭曰、

致君以道、師儒之得、興學化民、維誰之力、
不有君子、焉大其國、德之不朽、永言矜式、

吉田先生碑陰記

佐佐木龍原

名俊信
長門人

先生諱以忠、字藤介、稱吉田氏、先生少從石部氏、學國字及各式、頗入其室、長漸益佳、又遊京師、到于二品親王持明院之門、得受其各式、而暇、從遊日多、一耽名國字者、無出其右、英雲族聞之、明和庚寅之冬、使擢為學館、各學師、新賜俸若干、弟子進者益多矣、先生為人、溫藉善談、誘掖不倦、人無不樂從遊者、而無他嗜、每唯臨池之耽、見國字之佳者、則未嘗不學之、而得其妙處、是以其選矣、安永己亥九月十二日、病死、享年四十一、葬于城東、金砂山、境內法雲院、配

木
尾寄氏生男梅次郎出嗣高橋氏後病死門人皆悲
先生嗣絕後世無奉祀者相謀更安木牌於法雲院
附金若干以為日奠供費冀永世無虞以報其德也
請余記其背云寬政己未春三月明倫館講官佐佐
木俊信誌

明治十二年二月廿夜寫

龍魚先生文集卷五 四

湘江浦君墓誌

佐佐木龍魚 名俊信
長門人

計
君姓平諱就尹字子仕花名初木工後改兵介自號
曰湘江先世住於藝州豐田縣浦邑因稱浦氏本姓
宋道備前君諱廣慶二子也考主計君諱元伴無子
養君為嗣君温恭忠烈自少毋學兼善武技有聲望
安永三年英雲公擢為八隊將奉職九年病免容德
公立天明六年為國城居守寬政三年轉內衛帥是
歲公下世今公嗣立君職如故二祗役于東都今年
三月讞病得請為下大夫凶絕病作甚劇在薨四日
而卒實寬政十一年己未五月廿九日也距生之寬

保二年正月十五日、享年五十八、遺命葬于古萩里
享福寺、配為主計君嫡女、奉三男二女、長万太郎君、
次女嫁兒玉某次雄之進君、為嗣次、因昏君、繼繁
澤氏、季女亦大矣。

明治十八年三月廿一夜寫

龍原文集附末

龍原佐佐木君墓碑銘

繁澤規世

君姓國重、諱俊信、字逸平、周麻野人也、號龍原、又稱
麻野山人、其居謂逍遙園、其先稱武田氏、及源四郎
信正者、住藝國重里、因以里氏、馬始仕藩之祖、與元
公及天樹公、自藝移長也、信正從來而為本州人也、
四世孫又右衛門、就恒次子、有三郎兵衛、改恒者、泰
巖時、賜祿若干、其孫七郎右衛門恒久、廼君父也、公
移居周麻野、有六男、君其第五子也、孩提時、病痘、遂
作手足疾、竟至不良矣、及稍長、患不能擊劍、馳馬、慨
然發憤、讀昏而僻邑、無師友、明和二年、遂來遊類宮、

師鹿門先生年甫十六鼓篋相切劘夙夜不怠學日
進儼然于學中遂擢為都講聲隆焉與安永四年
英雲公下策尚學士及諸生其它有文學者某七人
對策封以上焉君對策公賞以帛又召細席講昏同
八年會大翁病君辭館而返孝養有日無幾翁病遂
愈矣當此收學中之卓立之人明年特命復入學君
乃誘掖後進館下彬者輩出焉君暇則橫經於尊
貴家或士大夫就為會業者不少矣選者助講公復
命士大夫及子弟若諸生對策上詩文使學職論定
其科而試其學術每歲仲秋以為常典焉君對策詩

文無年不登科者天明八年公以其有勤學教授之
功每歲賜米若干石而賞焉嘗清未侯招君諮詢收
務且講昏賦詩賜金若干又長府侯請君未督校辭
而不應焉寬政七年以佐佐木子孝躬而繼世業於
儒官然未能泛公度親戚相共謀請君攝其公務幹
理家度雖非君之意乎強送其請盖有故也因冒佐
佐木遂辭館子孝父度焉君亦教育輔成犹所生攝
數年既而子孝年十八藩制十九而役則攝限方滿
君當返職而休焉子孝懇請君留攝君不得固辭復
攝如故同九年為講師未請業者益多履恒盈戶云

今公亦數召講香去歲己未夏病脚弱不能行病羸
日甚荏苒踰年藥餌罔效稍將復故矣又患痢在褥
二旬餘終不起矣實九月十四日也享年五十有一
莫福源山德隣寺法諱篤叟以逍遙園為法跡無配
君為人寬洪而沈毅接人不為崖岨若人非理相加
則雖權貴毫不假借侃侃言為或疑難每發排難
解紛無敢折為者皆歎服矣博聞強記經史百家無
不窺者所著有文集又有法句韻句睡餘錄等是皆
一吐戲作者也詩淡而不華文則簡而不縟其於昏
也手雖不如人加人一等其它所學亦非人所及也

惜哉天假數年則足以鳴國之盛耶子孝具其狀屬
墓碑夏余不文為輕重君雖然余與君交數十年兄
弟不啻則義不可辭但誌狀所云且余所知矣銘曰
類夙辭素梓居叛樂只潛心經藉馳思文辭於仁於義
慕德立名隨富貴何墓良貴在名

寬政十二年庚申

明倫館祭酒警澤規去撰

龍原文集卷五下

退筆塚銘

文之不朽爾與有功于簡于牘爾力斯窮嗟爾之敝
以密於藏石耶勒之爾德以長

佐々木龍魚

名俊信
長門人

明治十八年二月廿一夜写

山陽遺稿卷四

廣江殿峯翁墓碣

賴山陽

赤馬關當西道咽喉。海陸商旅所輻湊。而廣江翁獨以文雅知名海內。凡橐囊而東西行者。自挾一藝以上。莫不客於翁。翁家不甚富。而好推獎人。卹其窮困。余意翁風流自喜者。及西遊。往來主翁家。然後知吾向淺翁為人也。翁況容衆。而其中有所鑒別。自奉朴素。性不飲酒。日著粗布蔽膝。雜奴僕。理事暇。輒與客對談。笑揮洒。客安之。畱滯動經旬月。而其妻子亦不之厭也。吾聞翁嘗以孝蒙其藩旌賞。事在享和癸亥。益其仰事俯育。一本誠實。各有條理。施及朋友。無新舊。皆得其歡心焉爾。世學者浮躁無實。以文與

米 衡

事為二途。甚至以好事廢務。敗產。聞翁之風。可以警矣。余與翁別三年。而得翁訃。實文政壬午九月六日。享年六十。七。葬于邑興禪寺。翁諱為盛。字文龍。號殿峯。通稱吉兵衛。門有三男。長為禎。仲為尚。皆先死。季鐘。二女。長適中野氏。次在家。鐘嘗從余遊。今為嗣。以書來請曰。先子在時。每言吾眼所閱。遍天下。而晚得賴先生焉。則先生宜銘其墓矣。翁善畫。多從學者。又善刻印。公卿侯伯。時徵其篆。雕世多知者。故不著。著其最大。而人不及知者。遂銘之曰。居商之衢。為文之郵。不洪不流。獨勤衆愉。吾在翁廬。見賓友書。與未鹽薄。如懶祭魚。翁與吾別。書月一臻。催報如連。

必得乃欣。嗚呼。可以知其為人矣。人謂之敏。吾服其篤。所以使人不謾。况骨肉乎。

正義靈社碑

杏本奎堂名衡人

清水君諱宗治以天正十年六月四日終高松城九

諱

世孫諱親周造廟以祭君靈名曰正義靈社正義之

謚出子孫之私称而人以為宜然者君之正義足以

當之也方羽菽氏以水灌城圍城之士孰不知死在

且暮而曾靡一人叛者此非其正義以激厲之耶君

在圍城中殆二月敵以利誘之者數君峻拒不應敵

見其志之不可終奪也然後攻之是其攻出于不得

已而君之義聲英氣已加于敵矣苟嬰城固守則雖

將

使東軍久暴于外將怠師老以至自潰可也然其聞

毛利公以君故不許東軍請也則曰公不以臣一人
易千軍人思遇至矣臣有一死報之耳且臣死以活
滿城之士成兩軍之母不亦善乎遂出城上舟從容
就死吁亦何忠且仁也微君之士^死圖之士或為魚
鼈而羽柴氏以新勝之銳擣連敗之餘雖毛利公之
英武贏輸之勢有未可測者且見利忘義背恩事仇
如上原生石鞏前後相踵也當此時微持正守義如
君則上原生石復生城中而備後以東非毛利氏有
矣嗚呼君生既忠而死又忠忠如君其孰不以正義
許之君先死一日麾下諸將詣牙城見君使侍童擢

饋

鬚諸將怪之君莞爾曰吾首將入京鬚之不貴吾恐
人謂我太勞軍吏也臨死收飲東軍所饋酒酒半唱
散樂可謂誓願奇曲一坐齊和狀甚閑雅又賦國歌
一首遂剖腹以卒其從容不迫有如此者蓋君之知
有今日久矣初小早川總管賜佩刀於諸將諸將受
之曰請俟戰勝後奉賀君獨曰羽柴氏當今之良將
而率數萬之精兵勝之固難恐不能如諸將所言唯
竭力防戰不能則以死繼之此臣之志也今賜佩刀
臣謂為之故受而賀之是其心已一定故臨變而不
亂士之將有為者苟其心之不一定惡所能為而彼

其轉倒錯亂辱身污名者皆不一定之心致之也觀
乎君之行亦可以少監矣廟成文化丙子距今四十
年而祭之之人俱逝焉滄桑須臾陵谷
變遷實有不可恃者則廟之存不存亦未可知此建
碑之舉所以不可已也欽清水氏舊脩中大姓至君
始屬毛利氏子孫立仕菽侯新建之碑者為君十一
世孫名親春介其臣難波氏囑余銘辭嗚呼君之節
義功名充乎天地溢于四海而奚待余銘雖杰節義
功名如君而無銘以頌之豈非缺典耶且難波氏之
先實為君腹心君死殉之而其裔與君之裔同在菽

藩則侯家之慶士吾知世能傳其祖法也是亦可以
不銘銘曰

維我神州其氣靈淑迺產若人狀貌端肅忠肝蕩膽
秋陽以暴偉績大勳千載無統中原紛亂羣雄逐鹿
惟藝興濃勢成犄角藝公遇君弗啻子育感恩致命
吞其優渥周芳之野雄原之嶽裔孫相依石青對綠
建廟殿中歲時以祝蘋蘩維潔酒肉維馥更銘功德
對碑蠹、神歆厥祀錫以景福

幽室文稿卷二 十七

山根文季墓誌銘

吉田松陰

山根文季名正直周防吉敷矢原人也。本重宗氏。父曰良策名正則。立業眼科醫。文季其二子。出繼山根氏。良策多病。年四十。手足不仁。文季收藥資以養父。居久之。良策謂文季曰。吾初欲開業。府下進列藩醫。今病不能果。汝勉成吾志於吾足矣。文季於是出家。菽東香川津邑。以眼科施治。未請者踵日。接其門。天保三年。夏。聞有恩命。其八月。良策沒。後六年。以眼科為御雇醫。班寺社組。又三年。兼

明治九年八月三日寫

外科加城番安政元年墨夷再來武相夷勢猖狂
人心頗惧文李乃奮然自請從役款成而歸今茲
夏妹之際惡癘大行天下死亡相踵而文李亦罹
疾而沒矣實八月廿九日也行年五十有七配白
上氏生一男冒小野氏稱為八從子孝仲自重宗
氏未嗣世其業二女一即孝仲配一適安部氏孫
男二兄冒飯田氏稱清庵弟吉庵皆孝仲子文李
素惠母施諸病客未請治者或寓其室飲食藥餌
必加謹焉其貧不能資給者為折其藥券甚者或
典資賑之而平素儉樸不苟費性寡默最能勤夏

居家未嘗寧處然酷好酒有客必留與飲醉則滑
稽百出以解人頤不拘其人俗益其歡而後已孝
仲為八皆素與余相知孝仲自憂服中致狀請銘
其墓銘曰矢魚之藉未從香川繼夏養志醫名日
宣北山鬱鬱孫子慶延

安政戊午十月四日

二十一回猛士矩方撰

韻華樓漫索

振武隊招魂碑記

長三洲

文久三年。詔沿海諸侯。嚴守備。攘外寇。故防長
守從二位毛利忠正公。欽奉朝旨。率勸二州
之衆。先天下諸藩。大振武政。二州有志士民。相
與感憤。興起結隊成軍。以俟國家使用。於是諸
隊之名始立。振武隊初踰南國。隊立于元治甲
子年。慶應乙丑。春國內亂。振武隊與諸隊靖難
有功。丙寅六月。幕府舉兵圍四境。振武隊擊出
石州。數戰破之。遂取濱田城。今上之元年。正
月。幕府叛于大阪。將犯京師。是時振武隊受公

邀

命與諸隊守京師。詔同諸藩兵。邀擊幕兵於伏
水。幕兵敗東走。其七月。奉詔赴援。越後。連與賊
戰于長岡。邨松等處。克之。九月。進入奧州。陷會
津。東北乃定。己巳冬。公命併諸隊。為常備軍。罷
隊名。自乙丑至戊辰。數十戰。前後死事者五十
有八人。其墳墓散在山城。越後諸處。壬申歲。同
事者相謀。招魂于長州。萩城之外。建石以表之。
以余嘗在奇兵隊。亦為同事之列。徵余文刻之。
夫方國家有事。忠義之士。捐身以保國。及其時
勢已變。四方無虞。鄉之軒々明著者。漸已燬消。

而後人觀之。亦如無甚功者。是志士仁人之所
以有感於時勢人情也。今朝廷方錄前功。不遺
細微。哀贈祭祀之典。不絕書於冊。況在當時共
事者。豈不思所以表其功乎。蓋諸隊報國之功。
忠正公勤朝廷之績。多在死事之臣。余喜同事
者。能表彰于其後。故推本朝廷不遺舊功之意。
以書之。庶幾功烈之蹟。不泯。而有以激志士仁
人之氣。其戰死姓名年月及戰地。各別立碣。以
誌之。以為忠魂所依歸。後人歲時所祭展之處。
明治五年夏五月。文部少丞從六位長英撰文。

并書。

韻華樓漫稿

前左大臣從一位藤原公碑

長三洲

前左大臣藤原公。諱公賴。贈太政大臣。諱公李
廿一世之孫。太政大臣諱實香之子。以明應四
年生。歷事。後柏原帝。後奈良帝。二朝。天文
十年三月。歷權大納言。左近衛大將。陞內大臣。
十二年七月。為右大臣。十五年正月。任左大臣。
三月。辭官。翌年正月。叙從一位。當是時。足利氏
失政。京師大亂。廷臣往々避地於諸國。大內義
隆。為防長。豐筑。守護。國勢方盛。蓋公往依之。義

川田剛日記事
簡明

石
 隆與其臣陶晴賢有郤。晴賢叛。攻義隆山口。義隆走死於大寧寺。公與前關白藤原尹房等皆薨於亂。實為天文二十年八月廿九日。公年五十七。大寧寺在長門深川邨。公墓在焉。題曰泰岳院殿碩翁點右大居士。側刻曰三條前內大臣公賴卿。按家譜。公法謚龍翔院。其曰泰岳院者。蓋當時寺僧立墓者所誤。其稱前內大臣亦誤也。今太政大臣從一位公為龍翔公十三世孫。亦嘗以事流寓防長間。明治維新。復歸於京。遂陞今官。公深有感於今古遭遇之間。且以其

位

川田剛曰曲護得妙

又曰龍翔公之在周防也。視為萬公。今日義隆有意於勤王公。往依之。有所謀焉。為公達碑如此。立論洵得其體。

墓刻有誤。或致湮沒。乃立石於大寧寺。使芟紀其事。夫足利氏之亂。朝廷之衰亦極。後奈良帝踐跡十年。猶不能舉。即任大禮。義隆奏請獻其資用。亦非無意于天朝者。龍翔公之依之。或有深意焉。惜禍生蕭牆。賓主併命。是可以特書而闡其幽光者。況公再造天朝之功。有光其祖。而顯揚先德。無信後昆者。固可大書也。芟職在史館。故不辭不載。筆以紀之。

明治九年丙子六月一寺修撰從五位長芟撰



